



Inatsisartunut ilaasortaq Peter Olsen, Inuit Ataqtigiit
Maani/

Royal Greenlandip saarullinnut tunisassiorfiutaa pillugu § 37 naapertorlugu apeqqummut nr. 156-imut akissut

Inatsisartut suleriaasianni § 37 imm. 1 naapertorlugu Royal Greenlandip saarullinnut tunisassiorfiutaa pillugu Naalakkersuisunut apeqquteqarsimavutit. Apeqqut suliasaqarfigisannit akineqartussanngorlugu innersuunneqarnikuvoq.

Ulloq: 24-11-2023
Suliap normua: 2023 - 27328
All. nr. 23610652

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

1. **Saarullik nalittorsarumallugu, tamakkerlugulu tunisassiarilersinnaqqullugu RG tunisassiorfimmik – aalisakkerivimmik nutarteralunilu pilersitsissagaluaruni tamanna aningaasatigut qanoq naleqassagaluarpa? Soorlu assersuutigalugu;**
 - a. **Niaqua perlukuilu panertillugit avammut tunisassiaralugit**
 - b. **Tingua olie-mut kinillugu qillertusanut poorlugu qallersuuserialalugu aammalu igalaaminermut poorlugu tingulialialalugu qallersuutissatut.**
 - c. **Suai qillertusamut poorlugit qallersuutissatut (torskerogn)**
 - d. **Nerpia seernartumut kinillugu agguaralugu uanitsulerlugu qallersuuserialalugu igalaaminermut poorlugu.**

1-imut) Royal Greenland A/S-ip ilisimatitsissutigaa saarullinnik tunisassiornerminni nerpinnik, J-cut-inik aammalu Maniitsumi suliniut Nutaaq aqqutigalugu saarullit niaquinik qeritinneqanngitsunik tunisassiorlarlutik.

Tamatuma saniatigut Royal Greenlandip ilisimatitsissutigaa saarullit aqjaruinik, tinguisa uuliaanik tinguinillu siusinnerusukkut misiliillutik tunisassiorarnikuullutik tunisassiornerli unisinneqarsimasooq. Saarullit taamatut atorluarneqannginnerinut patsisaasooq tassaavoq Maniitsumi pisariaqartinneqartunik sulisussaqaannginneq.

Royal Greenlandimittaaq erseqqissaatigineqarpoq Nutaaq nerpiit aqqutigalugu naammassinerullugit tunisassiarineqartartut. Nerpiinnanngorlugit taamatut tunisassiat saarullit nerpiinit nalinginnaasunit 30-50%-imik akisuninngorlugit tunineqartarput. Nutaaq nerpiit atorlugu nerpinnik tunisassiorneq Maniitsumi suliffissuarmi nukissat atorneqarsinnaasut tamaasa atorlugit ingerlanneqarpoq.

Saarulliup tamakkiinerusumik atorluarneqarsinnaanissaanut Maniitsumi suliffissuaq aqqissugaavoq Nutaaq atorluguli tunisassiornerup nalaanni naammattunik sulisussaqaqartatik.

2. **Saarulliup allatut qanoq tuniasassiatut nalittorsarneqarsinnaanera pillugu Naalakkersuisut qanoq takorluugaqarpat?**

a. Saarulliup allatut qanoq tunisassiatut nalittorsarneqarsinnaanera pillugu Naalackersuisut qanoq pilersaaruteqarpat?

2-mut) Naleqarnerulersitassat suussaneri ingerlatseqatigiiffiit namminneerlutik aalajangigassaraat. Naleqarnerulersitsinissamut atugassarititat sinaakkutillu pitsaasut pilersinnissaat Naalackersuisuni sulissaraarput.

Taamaattumik Naalackersuisut 2022-mi "Kalaallit Nunaanni aalisakkanik tunisassiornermut periusissatut pilersaarut"¹ suliarinikuuaat. Iliuusissatut pilersaarut ilaatigut saarullinnut tunngatillugu *Kalaallit aalisakkanit tunisassiaanik naleqarnerulersitsisarneq pillugu misissueqqissaarneq* aallaaveqarpoq. Tamakkiinerusumik atorluaalernissamut suliniut alla 2020-mut Aningaasanut Inatsisip akuersissutigineqarneranut atatillugu aallartinneqarpoq. Pineqartut marluutillugit www.naalackersuisut.gl aqputigalugu pissarsiarineqarsinnaapput.

Saarullinnik naleqarnerulersitsiniraanni nunatsinni tunisassiornerulernissaqtamatigut pisariaqanngilaq. Aalisakkanik tunisassiat naleqassusaannik misissuinerimi oqariartuutit ilagaat aalisakkanut poortuutissat aningaasartuutitut qaffassaataasartut poortuutissammi Danmarkimit nunatsinnut assartorneqaqqartartussaapput, tamatumalu kingorna tunisassiat Danmark aqputigalugu nunanut allanut ingerlaqqittartussaallutik². Aalisakkanik tunisassiat naleqassusaannik misissuinerimi aamma oqariartuutigineqarpoq Kalaallit Nunaanni nerpinnngorlugit tunisassiornerup annertusineqarsinnaanissaa periarfissaqartoq atugassarititat arlallit naammassineqartuuppata:

"Aningaasaqarnikkut pissutsit ajunngitsumik inissisimappata, assersuutigalugu aalisarnermi patajaatsoqartoq sulisinnaasullu ilinniarsimasut najuuppata Kalaallit Nunaanni saarullinnik nerpittaajakkanik tunisassiorneqarsinnaavoq, tassa nunani allani tunisassiornerup inissinneqarnissaanut aningaasartuutit kisimik aalangiisuugunarmata."³

Royal Greenlandip ilisimatitsissutigisimasaatut saarulliup naleqalersinniarnera unammillernartoqarpoq nammattunik ilinniarsimasunillu sulisussaqaqanngineq pissutaalluni. Aaqqinniagassaq pineqartoq Royal Greenlandimut kisimi aaqqinniagassaanngilaq soorlu tamanna *Aalisartoqarnerup iluani suliffeqarneq aamma ilinniartitaaneq*⁴, Naalackersuisut 2023-mi saqqummersitaani allaaserineqarsimasoq. Nalunaarusiami ilaatigut saqqummiunneqarpoq nunatsinni aalisakkanik suliffissuarni amerlasuuni sulisut piginnaasaqarluartut ilinniarsimasullu amigaatigineqartut. Tamanna naammassinerullugit tunisassiorternissamut aporfivuq. Naammassinerullugit tunisassiorternissamut tunngatillugu aporfiusut qaangernissaannut nalunaarusiaq

¹ "Kalaallit Nunaanni aalisakkanik tunisassiornermut iliuusissatut pilersaarut", "Kalaallit aalisakkanik tunisassiaanik naleqarnerulersitsisarneq pillugu misissueqqissaarneq – immikkoortoq 1 aamma immikkoortoq 2" Naalackersuisut.gl-imi saqqummersitat toorlugu takuneqarsinnaapput: [Iliuusissatut pilersaarummut, Tunisassiat naleqassusianik misissueqqissaarneq immikkortoq 1-imut aamma immoortoq 2-mut linkit 2](http://www.naalackersuisut.gl)

² Kalaallit aalisakkanit tunisassiaanik naleqarnerulersitsisarneq pillugu misissueqqissaarneq imm 1 qallunaatuani qupp. 33 kalaallisuanilu qupperneq 44

³ Kalaallit aalisakkanit tunisassiaanik naleqarnerulersitsisarneq pillugu misissueqqissaarneq imm 1 qallunaatuani qupp 46 kalaallisuanilu qupperneq 62

⁴ "Aalisartoqarnerup iluani suliffeqarneq aamma ilinniartitaaneq" Naalackersuisut.gl-imi saqqummersitat toorlugu takuneqarsinnaavoq: [nalunaarusiamut linki](http://www.naalackersuisut.gl)

arlalinnik kaammattuutitaqarpoq. Ilinniartitaanermut, Kultureqarnermut, Timersornermut
Ilageeqqarnermullu Naalakkersuisoqarfik ilinniarfiit aalisarnermillu
inuussutissarsiuteqartut suleqatigalugit kaammattuutigineqartut
piviusunngortinneqarsinnaanerik suliaqarpoq.

Saarulliit aalisartunit tunisassiortunillu massakkut siunissamilu
pissarsissutaalluartarnissaat siunertaralugu aalisarnerup patajaatsumik ingerlanissaa
qulakkeerniarlugu saarullinniarnermik aqutsineq Naalakkersuisut suliasaraat.
Tamatuma kingunerisaanik sinerissap qanittuani avataasiorlunilu saarullinniarnermi
aqutsinissamut pilersaarut suleqatigiissitamit suliarineqaleruttoq. Taassuma 2024-p
ingerlanerani naammassineqarnissaa naatsorsuutigineqarpoq.

Inussiarnersumik inuulluaqqusillunga



Kim Kielsen

Aalisarnermut Piniarnermullu Naalakkersuisoq